

ხელშეკრულება სახელმწიფო შესყიდვის შესახებ №69
(CPV კოდი 79992000 – სტუმრების მიღება-მომსახურება)

ქ. თბილისი

1 ივლისი 2014 წელი

ერთის მხრივ, სსიპ „საქართველოს მეცნიერებათა ეროვნული აკადემია“ (შემდგომში შემსყიდველი) წარმოდგენილი მისი პრეზიდენტის მოადგილის იოსებ ბაჩიაშვილის სახით და მეორეს მხრივ შპს „სოულ ქიჩენ“ (შემდგომში მიმწოდებელი) წარმოდგენილი მისი დირექტორის ნანა ჯაფარაშვილის სახით, ორივე ერთად წოდებული როგორც „მხარეები“, ემოქმედებთ, რა საქართველოს კანონმდებლობის შესაბამისად და ვდებთ წინამდებარე ხელშეკრულებას „სახელმწიფო შესყიდვების შესახებ“ საქართველოს კანონის 10¹ მუხლის მე-3 ნაწილის „დ“ ქვეპუნქტის და საქართველოს მთავრობის 2014 წლის 6 ივნისის №1007 განკარგულების თანახმად, გამარტივებული შესყიდვის საშუალებით შემდეგზე:

1. ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1. „ხელშეკრულება სახელმწიფო შესყიდვის შესახებ“ (შემდგომში „ხელშეკრულება“) „სახელმწიფო შესყიდვების შესახებ“ საქართველოს კანონის საფუძველზე შემსყიდველ ორგანიზაციასა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით და ასევე მთელი დოკუმენტაციით, რომლებზეც ხელშეკრულებაში არის მინიშნებები.
- 1.2. „შემსყიდველი ორგანიზაცია“ (შემდგომში შემსყიდველი) ნიშნავს ორგანიზაციას (დაწესებულებას), რომელიც ახორციელებს შესყიდვას.
- 1.3. მიმწოდებელი ნიშნავს იურიდიულ ან ფიზიკურ პირს, რომელმაც შემსყიდველთან გააფორმა ხელშეკრულება სახელმწიფო შესყიდვის შესახებ.
- 1.4. „ხელშეკრულების ღირებულება“ ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.5. „დღე“, „კვირა“, „თვე“ ნიშნავს კალენდარულ დღეს, კვირას, თვეს.

2. ხელშეკრულების საგანი

- 2.1. მიმწოდებელი საკუთარი ხარჯებით უზრუნველყოფს შემსყიდველს 250 (ორასორმოცდაათი) პერსონისთვის ქეითერინგის (ფურშეტის) მოწყობით და დამხმარე პერსონალის მომსახურებით, ქართველ და ებრაელთა 26-საუკუნოვანი მეგობრობისადმი მიძღვნილი ღონისძიებების ფარგლებში ცნობილი საზოგადო მოღვაწის მიხეილ დავითაშვილის 100 წლისთავისადმი გამართულ საიუბილეო საღამოზე, საქართველოს მეცნიერებათა ეროვნული აკადემიის დიდ დარბაზში.
- 2.2. ქეითერინგის (ფურშეტის) მენიუ, მისაწოდებელი კვების პროდუქტების სრული ჩამონათვალი, რაოდენობა, ფასი და საერთო ღირებულება მითითებულია ინვოისში №1 30 ივნისი 2014 წელი, რომელიც წარმოადგენს ამ ხელშეკრულების დანართ 1-ს.

3. შესყიდვის ობიექტი

- 3.1. შესყიდვის ობიექტი – სტუმრების მიღება-მომსახურება (ქეითერინგი).

4. შესყიდვის ობიექტის მიწოდების ვადები და ადგილი

- 4.1. შესყიდვის ობიექტის მიწოდების ვადა – 2014 წლის 11 ივლისს 13:00 საათზე.
- 4.2. შესყიდვის ობიექტის მიწოდების ადგილი – ქ. თბილისი, რუსთაველის გამზირი №52, საქართველოს მეცნიერებათა ეროვნული აკადემია, V სართული.

5. მიღება-ჩაბარების წესი

- 5.1. შესყიდვის ობიექტის მიღება-ჩაბარება განხორციელდება შემსყიდველისა და მიმწოდებლის უფლებამოსილი წარმომადგენლების მიერ მიღება-ჩაბარების აქტის გაფორმებით.
- 5.2. შესყიდვის ობიექტი მიწოდებულად ჩაითვლება მხოლოდ მიღება-ჩაბარების აქტის გაფორმების შემდგომ.

6. ხელშეკრულების ღირებულება

- 6.1. ხელშეკრულების საერთო ღირებულება შეადგენს 2747 (ორიათასშვიდასორმოცდაშვიდი) ლარს ინვოისის (დანართი 1) შესაბამისად.
- 6.2. ხელშეკრულების საერთო ღირებულება მოიცავს ხელშეკრულებით გათვალისწინებული შესყიდვის ობიექტის მიწოდებასთან დაკავშირებულ ყველა ხარჯს და საქართველოს კანონმდებლობით დადგენილ გადასახადებს. მათ შორის დღგ-ს.

7. ანგარიშსწორების ფორმა, გრაფიკი და ვადები

- 7.1. ანაზღაურება მიმწოდებელთან განხორციელდება უნაღდო ანგარიშსწორებით, ლარებში, ამ ხელშეკრულებით გათვალისწინებული მიმწოდებლის საბანკო ანგარიშზე;
- 7.2. 6.1. პუნქტში მითითებული თანხის გადახდას შემსყიდველი განხორციელებს მიღება-ჩაბარების აქტის გაფორმებიდან არა უგვიანეს 15 (თხუთმეტი) სამუშაო დღის განმავლობაში.
- 7.3. დაფინანსების წყარო – 2014 წლის მეცნიერებათა ეროვნული აკადემიის სახელმწიფო ბიუჯეტის დაფინანსების ფარგლებში.

8. შესყიდვის ობიექტის ხარისხი

- 8.1. მიმწოდებელი იღებს ვალდებულებას, რომ მის მიერ გაწეული მომსახურების ხარისხი უპასუხებს წინამდებარე ხელშეკრულებით გათვალისწინებულ პირობებს და დააკმაყოფილებს შემსყიდველის მოთხოვნებს.
- 8.2. მისაწოდებელი კერძები და კვების პროდუქტები თავისი საგემოვნო თვისებებით უნდა შეესაბამებოდეს დღეისათვის ამ სფეროში არსებულ სტანდარტებს და ნორმებს, უნდა იყოს საკვებად ვარგისი და ჯანმრთელობისათვის უვნებელი, რაზედაც მიმწოდებელი პასუხს აგებს საქართველოში მოქმედი კანონმდებლობით გათვალისწინებული წესით.

9. მხარეთა უფლება-მოვალეობანი

- 9.1. შემსყიდველი და მიმწოდებელი მოქმედებენ საქართველოს კანონმდებლობის სრული დაცვით.
- 9.2. შემსყიდველი ვალდებულია:**
- 9.2.1. დროულად და კეთილსინდისიერად შეასრულოს ხელშეკრულებით ნაკისრი ვალდებულებები;
- 9.2.2. ხელშეკრულებით გათვალისწინებული პირობების შესაბამისად, აუნაზღაუროს მიმწოდებელს მიწოდებული შესყიდვის ობიექტის ღირებულება;
- 9.2.3. დაუყონებლივ აცნობოს მიმწოდებელს შესყიდვის ობიექტზე რაიმე წუნის აღმოჩენის შესახებ.
- 9.3. შემსყიდველს უფლება აქვს:**
- 9.3.1. შესყიდვის ობიექტის მიწოდების დასრულებამდე ნებისმიერ დროს მოითხოვოს მიმწოდებლისაგან მისთვის საჭირო ინფორმაცია;
- 9.3.2. განახორციელოს კონტროლი და ზედამხედველობა მიმწოდებლის მიერ ხელშეკრულების პირობების დაცვაზე;
- 9.3.3. შეამოწმოს შესყიდვის ობიექტის ხარისხის შესაბამისობა ხელშეკრულებით გათვალისწინებულ პირობებთან.
- 9.4. მიმწოდებელი ვალდებულია:**
- 9.4.1. დროულად, ხარისხიანად და კეთილსინდისიერად შეასრულოს ხელშეკრულებით ნაკისრი ვალდებულებები;
- 9.4.2. უზრუნველყოს მეცნიერებათა აკადემიის დარბაზში ფურშეტის მოწყობა და მომსახურე პერსონალის ყოფნა მომსახურების გაწევის პერიოდში;

9.4.3. უზრუნველყოს მეცნიერებათა აკადემიის დარბაზის და მომსახურების გაწევისათვის საჭირო ინვენტარის/ნივთების დასუფთავება, საკვები და სხვა სახის ნარჩენების გატანა შენობიდან.

9.4.4. დაიცვას ხელშეკრულებით გათვალისწინებული ყველა პირობა;

9.4.5. დააკმაყოფილოს შემსყიდველის მოთხოვნა დამატებითი მონაცემების წარმოდგენის შესახებ კანონმდებლობით დადგენილი წესით;

9.4.6. შესყიდვის ობიექტზე შემსყიდველის მიერ რაიმე წუნის ან ნაკლის აღმოჩენის შემთხვევაში, შეტყობინების მიღებისთანავე, განახორციელოს დროულად მისი გამოსწორება, შემსყიდველის მხრიდან რაიმე დამატებითი დანახარჯების გაწევის გარეშე.

9.5. მიმწოდებელს უფლება აქვს:

9.5.1. მოთხოვოს შემსყიდველს ამ ხელშეკრულებით ნაკისრი ვალდებულების შესრულებისათვის ანაზღაურება ხელშეკრულებით გათვალისწინებული პირობებით.

9.6. შემსყიდველი არ აგებს პასუხს მიმწოდებლის მიერ მესამე პირებისათვის მიყენებულ ზიანზე ან ზარალზე.

9.7. შემსყიდველი არ აგებს პასუხს მიმწოდებლის მიერ მესამე პირის მიმართ ნაკისრ ვალდებულებებზე.

9.8. მიმწოდებელი არ აგებს პასუხს შემსყიდველის მიერ მესამე პირის მიმართ ნაკისრ ვალდებულებებზე.

10. ხელშეკრულების შესრულების კონტროლი

10.1. შემსყიდველი უფლებამოსილია შესყიდვის ობიექტის მიწოდების პარალელურად განახორციელოს კონტროლი (ინსპექტირება), რომლის მიზანია შესყიდვის ობიექტის შესაბამისობის დადგენა ხელშეკრულებით გათვალისწინებულ პირობებთან და შემსყიდველის მოთხოვნებთან.

10.2. შესყიდვის ობიექტზე გამოვლენილი ხარვეზის ან ნაკლის აღმოფხვრასთან და ხელახალ ინსპექტირებასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესის შესაბამისად.

11. ხელშეკრულებაში ცვლილებების შეტანა და ხელშეკრულების შეწყვეტა

11.1. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

11.2. ხელშეკრულებაში ნებისმიერი ცვლილების და/ან დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე, ხელშეკრულების დამატებითი შეთანხმების სახით, რომელსაც ეწევა იგივე იურიდიული ძალა რაც წინამდებარე ხელშეკრულებას.

11.3. ხელშეკრულება შეწყდება საქართველოს კანონმდებლობით გათვალისწინებული პირობების არსებობისას;

11.4. ხელშეკრულების დამდეგი ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ;

11.5. ხელშეკრულების დამდეგი მხარე, რომელიც მიიღებს ასეთ გადაწყვეტილებას ვალდებულია შეატყობინოს მეორე მხარეს მიღებული გადაწყვეტილება, მისი მიღების საფუძველი და ამოქმედების თარიღი. აღნიშნული შეტყობინება უნდა მიეწოდოს მეორე მხარეს წერილობით, გადაწყვეტილების ძალაში შესვლამდე მინიმუმ 10 (ათი) დღით ადრე;

11.6. ხელშეკრულების შეწყვეტა პირობების დარღვევის გამო არ ათავისუფლებს მიმწოდებელს ხელშეკრულების შეუსრულებლობისათვის გათვალისწინებული პასუხისმგებლობისაგან.

11.7. ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს

დანარჩენი ვალდებულებების შესრულებისაგან;

11.8. შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:

ა) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

ბ) საქართველოს კანონმდებლობებით გათვალისწინებულ სხვა შემთხვევებში.

11.9. ხელშეკრულების შეწყვეტა შესაძლებელია მხარეთა შეთანხმებით ნებისმიერ დროს მისი მოქმედების განმავლობაში.

12. ფორს-მაჟორი

12.1. ფორს-მაჟორი ნიშნავს მხარეებისთვის გადაულახავ და მათი კონტროლისაგან დამოუკიდებელ გარემოებებს, რომელიც არ არის დაკავშირებული შემსყიდველის და ან მიმწოდებლის შეცდომებსა და დაუდევრობასთან და რომელსაც გააჩნია წინასწარ გაუთვალისწინებელი ხასიათი;

12.2. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომელისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ.

13. მხარეთა პასუხისმგებლობა

13.1. მხარეების მიერ ხელშეკრულებით ნაკისრი ვალდებულების შეუსრულებლობა გამოიწვევს პასუხისმგებლობას მოქმედი კანონმდებლობის შესაბამისად.

13.2. ხელშეკრულებით გათვალისწინებული ვალდებულების შეუსრულებლობის ან ვალდებულების შესრულების ვადების დარღვევის შემთხვევაში, დამრღვევ მხარეს დაეკისრება პირგასამტეხლოს გადახდა ყოველ ვადაგადაცილებულ დღეზე ხელშეკრულების საერთო ღირებულების 0,1 %-ის ოდენობით.

14. დავები და მათი გადაწყვეტის წესი

14.1. ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

15. ხელშეკრულების მოქმედების ვადა

15.1. წინამდებარე ხელშეკრულება ძალაში შედის ხელშეკრულების თავში მითითებული თარიღიდან და მოქმედებს 2014 წლის 29 აგვისტოს ჩათვლით.

16. გამოყენებული სამართალი

16.1. ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

17. ხელშეკრულების ენა

17.1. ხელშეკრულება შედგენილია ქართულ ენაზე, ხელშეკრულებასთან დაკავშირებული მთელი წერილობითი მოლაპარაკებები და სხვა დოკუმენტაცია, რომელიც გაიცვლება მხარეთა შორის, უნდა შეესაბამებოდეს აღნიშნულ პირობებს.

18. სუბკონტრაქტორები
18.1. ხელშეკრულების გაფორმების შემდგომ მიმწოდებელმა წერილობით უნდა აცნობოს შემსყიდველს სუბ-კონტრაქტორ(ებ)ის აყვანის ან შეცვლის შესახებ.

19. სხვა პირობები
19.1. ხელშეკრულება შედგენილია 3 (სამი) ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმოწერ მხარეებთან (ერთი პირი მიმწოდებელთან და ორი პირი შემსყიდველთან).
19.2. წინამდებარე ხელშეკრულებას დანართის სახით თან ერთვის მიმწოდებლის ინვოისი (დანართი 1) და საქართველოს მთავრობის 2014 წლის 6 ივნისის №1007 განკარგულება (დანართი 2).

20. მხარეთა რეკვიზიტები და ხელმოწერები

შემსყიდველი

სსიპ „საქართველოს მეცნიერებათა
ეროვნული აკადემია“

რეკვიზიტები

მისამართი: ქ. თბილისი,
რუსთაველის №52
ტელ/ფაქსი: 2997372; 2990052
ს/კ №203851536
სახელმწიფო ხაზინა
სახაზინო კოდი: 220101222
ანგარიშის №200122900



/იოსებ ბაჩიაშვილი/

მიმწოდებელი

შპს „სოულ ქიჩენ“

რეკვიზიტები

მისამართი: ქ. თბილისი,
აბაშიძის ქ. №47
ტელ.: 599523399
ს/კ №405037446
სს „თიბისი ბანკი“
ბანკის კოდი: TBCBGE22
ა/ა №GE93TB7334236060100001

/ნანა ჯაფარაშვილი/

ინგოისი N 1

30 ივნისი 2014 წელი

მიმწოდებელი: შპს „სოულ ქიჩენ“

ს/კ 405037446

თბილისი. ი.აბაშიძის ქ. N47 ტელ.: 599 52 33 99

შემსყიდველი: სსიპ საქართველოს მეცნიერებათა ეროვნული აკადემია ს/კ 203851536

თბილისი. რუსთაველის გამზირი N52

ტელ.: 299 00 52, 299 73 72


სასაქონლო ზედნადები

N	დასახელება	ერთეული	რაოდენობა	ერთ. ფასი ლარებში	თანხა
1	მჭადი, ყველი, ჩერი, რეჰანი, სალათის ფოთოლი	ცალი	150	0.5	75
2	პური, კიტრი, ყველი, ზეთისხილი	ცალი	150	0.5	75
3	ბადრიჯანი, მრგვალი ფენოვანი, სეზამი	ცალი	110	0.5	55
4	წითელი ბულგარული, მრგვალი ფენოვანი	ცალი	150	0.5	75
5	მჭადი, ისპანახი, სეზამი	ცალი	160	0.6	96
6	მჭადი, ჭარხლის ფოთოლი, სეზამი	ცალი	160	0.5	80
7	პური, კარაქი, სათალი, კამა ან რეჰანი	ცალი	170	1.6	272
8	მჭადი, სოკო, ოხრახუმი	ცალი	150	0.5	75
9	პური, კვერცხი სუნელებით	ცალი	150	0.6	90
10	მჭადი, ნადული, პიტნა, სულგუნი	ცალი	150	0.6	90
11	ბლინი სულგუნით	ცალი	150	0.8	120
12	კარტოფილი ღვეზელი	ცალი	150	0.5	75
13	ტარხუნის ღვეზელი	ცალი	150	0.5	75
14	ხაჭაპური	ცალი	150	0.9	135
15	ლობიანი	ცალი	150	0.7	105
16	მაფინი ალუბლით	ცალი	90	0.8	72
17	მაფინი ფორთოხლით	ცალი	90	0.8	72
18	მაფინი ნუტელით	ცალი	90	0.8	72
19	ხილის ტარტი	ცალი	90	0.8	72
20	ალუბლის ღიმილი	ცალი	90	0.8	72
21	კანაპე შეზოლილი ძეხვით	ცალი	45	1.1	49.5
22	ნადული სულგუნის ფურცელში	ცალი	18	1	18
23	ქათმის მწვადი ბულგარულით	ცალი	15	2	30
24	ქაბაბი	ცალი	10	2	20
25	ხაჭაპური იმერული (8 ნაჭრიანი)	ცალი	4	7	28
26	ნაბეღლავი (0.5ლ)	ცალი	120	0.65	78
27	კონიაკი „სარაჯიშვილი“	ცალი	2	29	58
28	არაყი „ფინლანდია“	ცალი	1	19.5	19.5
29	წითელი ბალი	კგ	4.4	3.5	15.4
30	თეთრი ბალი	კგ	4.4	3	13.2
31	გარგარი	კგ	4.4	3.5	15.4
32	ალუჩა	კგ	3.9	1.5	5.85
33	საზამთრო	კგ	30	0.6	18
34	ნესვი	კგ	10	1	10
35	დანიგვზული ისპანახი	კგ	0.5	20	10
36	დანიგვზული ჭარხლის ფოთოლი	კგ	0.5	20	10
37	დანიგვზული ბადრიჯანი	კგ	0.5	20	10
38	დანიგვზული წითელი ბულგარული წიწაკა	კგ	0.4	18	7.2

39	ჩამუშული ქამა სოკო	კგ	1	19	19
40	ორაგული მაიონეზი 8 ნაჭერი	კგ	1.2	20	24
41	კალმახი შემწვარი	ცალი	6	4	24
42	მჭადი	ცალი	10	0.5	5
43	ლობიანის ღვეხელი	ცალი	8	1.4	11.2
44	ქათმის რულეტი ყველითა და ბოსტნეულით	კგ	1	20	20
45	ყველის ვარენიკი	ცალი	80	0.2	16
46	საოჯახო ნაყინი	ცალი	3	5	15
ორიათასოთხასსამი ლარი და 30 თეთრი					2403.25
1	ფურშეტის მომსახურება ჭურჭლით				250
2	მომსახურე პერსონალის ხელფასი (დარიცხული)				93.75
სამასორმოდასამი ლარი და 75 თეთრი					343.75
სულ 2747 (ორიათასშვიდასორმოცდაშვიდი) ლარი					

მიმწოდებელი: შპს „სოულ ქიჩენ“

დირექტორი



/ნანა ჯაფარაშვილი/

შემსყიდველი: სსიპ საქართველოს მეცნიერებათა ეროვნული აკადემია

პრეზიდენტის მოადგილე

ნი



/იოსებ ბაქრაშვილი/